



# O'ZBEKISTON OVOZI

Shu aziz VATAN — barchamizniki!

2012-yil, 22-noyabr. Payshanba • 138 (31.570) Ijtimoiy-siyosiy gazeta • 1918-yil 21-iyundan chiqa boshlagan • www.uzbekistonovozi.uz

## Фракция ва маҳаллий Кенгашлардаги депутатлик гуруҳлари ҳамкорлиги



## ЭЛЕКТОРАТ МАНФААТИНИ ҲИМОЯЛАШДА

партия депутатлик гуруҳларининг масъулияти оширилмоқда

ЎзДП ДАСТУРИЙ МАҚСАДЛАРИДА ИЖТИМОЙ ҲИМОЯГА МУҲТОЖ АҲОЛИ МАНФААТЛАРИНИ ҲИМОЯ ҚИЛИШ, ХУСУСАН, ЖИСМОНИЙ ИМКОНИАТИ ЧЕКЛАНГАН КИШИЛАР, КАСБ-ҲУНАР КОЛЛЕЖИ БИТИРУВЧИЛАРИ ҲАМДА ВАҚТИНЧА ИШСИЗ ФУҚАРОЛАР БАНДЛИГИНИ ТАЪМИНЛАШГА АЛОҲИДА ЭЪТИБОР ҚАРАТИЛГАН. БУ БОРАДА ХАЛҚ ДЕПУТАТЛАРИ МАҲАЛЛИЙ КЕНГАШЛАРДАГИ ПАРТИЯ ДЕПУТАТЛИК ГУРУҲЛАРИ ЗИММАСИГА ДОЛЗАРБ ВАЗИФАЛАР ЮКЛАТИЛГАН. ЎЗДП СИРДАРЁ ВИЛОЯТ КЕНГАШИДА ҲАМ БУ БОРАДА АМАЛИЙ ИШЛАР ҚИЛИНМОҚДА.

(Давоми 2-бетда.)



## ОБУНА — 2013

Қобил МИРНИҒМАТОВ,  
Мирзо Улугбек тумани, «Дархон» маҳалласидаги  
худудий партия ташкилоти етакчиси:

— БОШЛАНҒИЧ ТАШКИЛОТИМИЗ ИШНИ БУГУНГИ КУН ТАЛАБЛАРИ ДАРАЖАСИДА КУЧАЙТИРИШ, АЪЗОЛАРНИНГ ИЖТИМОЙ-ИҚТИСОДИЙ БИЛИМИ ВА ФАОЛЛИГИНИ ОШИРИШДА «ЎЗБЕКISTON OVOZI» ГАЗЕТАСИДА ЭЪЛОН ҚИЛИНАЁТГАН МАҚОЛАЛАРДАГИ ФИКР-МУЛОҲАЗА ҲАМДА ТАВСИЯЛАР ҚЎЛ КЕЛАЁТИР.

2013 ЙИЛ УЧУН ҲАМ «ЎЗБЕКISTON OVOZI»ГА ОБУНА БЎЛДИК!

НАШР КЎРСАТКИЧИ — 220

Биздан овоз ва обод Ватан қолсин!

## ҚАРШИ МАМЛАКАТИМИЗНИНГ ЭНГ ГЎЗАЛ ШАҲАРЛАРИДАН БИРИГА АЙЛАНМОҚДА

«ЎЗИНИНГ УЗОҚ ВА БОЙ ЎТМИШИ ДАВОМИДА ГОҲ НЕКШАПА, ГОҲ НАХШАБ, КЕЙИНЧАЛИК НАСАФ ДЕГАН НОМЛАР БИЛАН АТАЛГАН КЎҲНА ҚАРШИ ШАҲРИ ТАРИХИ ВА БАШАРИЯТ УЧУН АВВАЛО, БЕТАКРОР ЦИВИЛИЗАЦИЯ ВА МАДАНИЯТ БЕШИГИ СИФАТИДА КЎП-КЎП УЛУҒ СИЙМОЛАР, БУЮК МУТАФАККИР ЗОТЛАР, АЗИЗ АВЛИЁЛАРНИНГ ВАТАНИ СИФАТИДА ҚАДРЛИ ВА МУКАРРАМДИР».

Қарши шаҳридаги Одина жоме-масжидида «Ўзликни англаш маркази» ташкил қилинган. Бу ерда биз шаҳардаги 22-мактабнинг олий тоифали тил-адабиёт фани ўқитувчиси Кумушбиби Эргашевани учратдик.

— Қарши ёшлар шаҳри. Фарзандларимиз ўз шаҳарларининг ўтми-

ши, келгуси истиқболи билан фахрланишади, — дейди у.

Айни пайтда шаҳардаги 46 мактабда 38 минг, 16 та коллеж ва 5 та академик лицейда 24 мингдан зиёд ўқувчи таълим-тарбия олмақда. Қарши давлат университети, Мухандислик иқтисодиёт институти, Тошкент ахборот-технологиялар

университети филиалида минглаб иқтидорли ёшлар пухта билим олишмоқда.

Кумушбиби муаллимнинг шогирди Севара 8-синф ўқувчиси. Келажакда у устози сингари ўқитувчи бўлишни орзу қилади. Бу истеъдод соҳиби «Ассалом, мактабим» мавзусида ёзган иншоосида ўз орзуларини куйидагича баён этган.

Карвон занжирида мен битта халқа,  
Нима бера олдим элимга, халққа.  
Эй кўнгил, уйғон, бир жўшиб балқ-да  
Биз ҳали ошмаган давонлар қанча...

— Менинг иншом Республика кўрик-танловида 1-ўринга лойиқ топилди, — дейди Севара. — Ҳозир «Шаҳрим-фаҳрим» мавзусида иншо ёзиш учун тайёргарлик кўраяман.

(Давоми 3-бетда.)



## Спорт

## КЕЧА ЛОНДОНДА, БУГУН ТОШКЕНТДА...

Рустам Қосимжонов илк учрашувда Гата Камский (АҚШ)га қарши ўйнайди

Бугун пойтахтимиздаги Ўзбекистон Тасвирий санъат галереясида FIDE Гран при мусобақалари иккинчи босқич учрашувлари бошланади. Дастлабки босқич ўйинлари Лондонда бўлиб ўтган эди.

Кеча Ёшлар ижод саройида FIDE президенти Кирсан Илюмжинов ва 17-жаҳон чемпиони Рустам Қосимжонов иштирокида матбуот анжумани бўлиб ўтди.

Тадбир охирида мусобақанинг дастлабки кунда куч синашадиган жуфтликлар номи эълон қилинди. Ҳамюртимиз Рустам Қосимжонов илк турда Гата Камский (АҚШ)га қарши дونا сурадиган бўлди. Шохмочимиз қора донларда ўйнайди.

Қолган жуфтликларда эса куйидаги гроссмейстерлар ўзаро баҳс юритишади:

Петер Лекко (Венгрия) — Александр Морозевич (Россия);  
Леньер Домингес Перес (Куба) — Хао Ванг (Хитой);  
Фабриано Каруана (Италия) — Шахрияр Мамедъяров (Озарбойжон);  
Борис Гельфанд (Исроил) — Петр Свидлер (Россия);  
Руслан Пономарев (Украина) — Сергей Карякин (Россия).

Самандор БОБОРАЖАБОВ → 4



## «ПАХТАКОР» — ЧЕМПИОН!

Кеча футбол бўйича Ўзбекистон чемпионати баҳслари якунланди. Ўз майдонида «Бухоро» футболчиларини йирик — 4:1 ҳисобида мағлуб этган Тошкентнинг «Пахтакор» жамоаси тўққизинчи бор мамлакат чемпиони унвонига сазовор бўлди.

Эслашиб ўтаем, «Пахтакор» охириги марта 2007 йилда чемпион бўлганди. Утган вақт мобайнида «Бунёдкор» кетма-кет тўрт марта мамлакатимизнинг энг кучли жамоаси сифатида тан олинди. Бу йил бунёдкорчиларнинг ўйинида пасайиш кузатилди ва улар кумуш медаль билан кифояланди.

Бронза медали учун бўлган курашда «Насаф»дан устун келган Тошкентнинг «Локомотив» футболчилари охириги турда «Шўртан»ни мағлуб этса, учинчи ўринни эгаллар эди. Темирийўлчилар бу вазифани олтиги билан уддалашди — 4:1.

Турнинг қолган ўйинларида куйидаги натижалар қайд этилди: «Қизилқум» — «Навбахор» 1:1, «Машъал» — «Бунёдкор» 0:2, «Андижон» — «Металлург» 4:3, «Нефтчи» — «Олмалик» 4:2, «Насаф» — «Динамо» 2:1.

Юртимизда футбол мавсумини кубок баҳслари якунлаб беради. 25 ноябрда ярим финал жавоб учрашувлари ўтказилди. Унда «Пахтакор» ўз майдонида «Бунёдкор»ни қабул қилса, «Насаф» футболчилари «Бухоро» меҳмони бўлади.

Финал учрашуви 30 ноябрь кун Тошкентда бўлиб ўтади.  
Темур ХУДОЙБЕРДИЕВ

## Тадбир

## ТРАНСПОРТ ВА ЛОГИСТИКА

хизматлари ривожланмоқда

«ПОЙТАХТ» БИЗНЕС-МАРКАЗИДА ЎЗБЕКISTON САВДО-САНОАТ ПАЛАТАСИ ТОМОНИДАН БИРЛАШГАН МИЛЛАТЛАР ТАШКИЛОТИ ЎЗБЕКISTONДАГИ ТАРАҚҚИЁТ ДАСТУРИНИНГ «ЎЗБЕКISTON БИЗНЕС-ФОРУМИ (2-ФАЗА)» ЛОЙИҲАСИ БИЛАН ҲАМКОРЛИҚДА «ЎЗБЕКISTONДА ТРАНСПОРТ ВА ЛОГИСТИКА ХИЗМАТЛАРИ РИВОЖЛАНИШИНИНГ БУГУНГИ ҲОЛАТИ ВА ИСТИҚБОЛЛАРИ» МАВЗУСИДА СЕМИНАР ЎТКАЗИЛДИ.

Унда Савдо-саноат палатаси раиси Алишер Шайхов 2011-2015 йилларда транспорт ва коммуникация инфратузилмасини, курилишини жадал ривожлантириш дастурининг қабул қилиниши ишлаб чиқариш, транспорт ва муҳандислик-коммуникация инфратузилмаси тармоғини мамлакатимиз ва худудлар иқтисодиётини истиқболли тараққий эттириш бўйича амалга оширилаётган дастурлар билан узвий боғлиқ ҳолда янада ривожлантириш имконини бераётганини таъкидлаб ўтди.

Соҳа мутахассисларининг фикрига кўра, 2015-2020 йилларда республикамиз худудидан юк ташиш ҳажмининг ўсиши йилга 1 миллион тоннагача етиши мумкин. Шу боис транспорт ва логистика соҳасини тараққий эттиришга устувор вазифалардан бири сифатида эътибор қаратишмоқда.

Хусусан, 2015 йилга қадар умумий қиймати 85 миллиард АҚШ доллари миқдорда инвестиция ўзлаштирилиб, яна кўплаб лойиҳаларни амалга ошириш кўзда тутилмоқда. Натижада мамлакатимизнинг бар-

ча худудларини боғлайдиган, минтақа ва жаҳон бозорларига чиқиш имконини берадиган янги йўللар босқичма-босқич курилади, мавжудларни қайта реконструкция қилинади. Бу, 150 километр янги темир йўл участкаларини куриш, 1030 километр бўлган мавжуд магистралларни модернизация ва реабилитация қилиш, 715 километр темир йўл электр узаткичларини электрификациялаш ҳамда транспорт паркинги янгилаш кабилардир.

Тадбирда «Навоий» транспорт ва логистика интермодаль маркази ҳамда «Ангрэн» транспорт ва логистика марказининг имкониятлари ҳақида атрофлича маълумотлар берилди. Шу билан бирга кунлик юк ташишга оид таклифлар эълон қилинади, ягона электрон маълумотлар базасининг тақдироти ҳам бўлиб ўтди.

Иштирокчилар, шунингдек, кичик бизнес учун транспорт-логистика хизматларини ривожлантиришнинг истиқболли йўналишлари ва бошқа масалалар юзасидан фикр алмашишди.

Тоштемир ХУДОЙКУЛОВ,  
«Ўзбекистон овози» муҳбири.





